



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka ("Službeni glasnik BiH" broj 95/12 i 41/16), člana 25. Pravilnika o godišnjim finansijskim izvještajima političkih stranaka ("Službeni glasnik BiH" broj 96/13 i 89/16), a u skladu sa članom 18. Pravilnika o administrativnim procedurama pregleda, kontrole i revizije finansijskih izvještaja političkih stranaka ("Službeni glasnik BiH", broj: 103/08), izdajem

IZVJEŠTAJ O REVIZIJI GODIŠNJEG FINANSIJSKOG IZVJEŠTAJA ZA 2015. GODINU STRANKE PRAVDE I POVJERENJA

Broj: 03-07-6-452/17
Sarajevo, 03. juli 2017. godine

SADRŽAJ

MIŠLJENJE	3
1. UVOD.....	4
2. PREDSTAVLJANJE POLITIČKE STRANKE	4
3. OPIS REVIZIJE.....	4
Predmet revizije	4
Cilj revizije.....	5
Obim revizije.....	5
4. PRETHODNE KONTROLE I REVIZIJE.....	5
5. NALAZI I PREPORUKE.....	5
5.1. NALAZI.....	5
5.2. PREPORUKE.....	6

MIŠLJENJE

Služba za reviziju finansiranja političkih stranaka (u daljem tekstu: Služba za reviziju) je izvršila reviziju godišnjeg finansijskog izvještaja Stranke pravde i povjerenja za 2015. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Naša odgovornost je da izrazimo mišljenje na osnovu revizije koju smo izvršili.

Reviziju smo izvršili u skladu sa revizijskim standardima. Ovi standardi zahtijevaju da reviziju planiramo i izvršimo na način da prikupimo dovoljno dokaza koji nam, u razumnoj mjeri, pružaju garanciju da je stranka postupala u skladu sa odredbama Zakona o finansiranju političkih stranaka.

Revizija je na osnovu uzoraka ispitivala značajne transakcije koje potvrđuju iznose u finansijskim izvještajima, ocjenu računovodstvenih načela prilikom sastavljanja finansijskih izvještaja i postupanje u skladu sa odredbama Zakona o finansiranju političkih stranaka.

Smatramo da revizija koju smo izvršili pruža razumnu osnovu za izražavanje našeg mišljenja.

Revizijom godišnjeg finansijskog izvještaja za 2015. godinu, utvrđeno je da je Stranka pravde i povjerenja prekršila odredbe člana 5. stav (4), člana 11. i člana 12. Zakona o finansiranju političkih stranaka.

Prema našem mišljenju, osim navedenog, revidirani finansijski izvještaj ukazuje da je Stranka pravde i povjerenja u 2015. godini postupala u skladu sa odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila reviziju godišnjeg finansijskog izvještaja Stranke pravde i povjerenja za 2015. godinu.

Revizija je preduzeta u skladu sa članom 10. stav (1) Zakona o finansiranju političkih stranaka, članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka. Zbog činjenice da se revizija obavlja provjerama na bazi uzorka i da postoje ograničenja u računovodstvenom sistemu i sistemu internih kontrola, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja za 2015. godinu, Stranka pravde i povjerenja nije ostvarila prihode niti se finansirala iz kredita, što je iskazano u sljedećoj tabeli:

R/B	Izvori finansiranja	Iznos (KM)	Struktura (%)
1.	Članarina	0,00	
2.	Prilozi fizičkih lica (3-a)	0,00	
3.	Prilozi pravnih lica (3-b)	0,00	
4.	Prihodi od imovine (3-c)	0,00	
5.	Prihodi od dobiti preduzeća u vlasništvu političke stranke (3-d)	0,00	
6.	Prihodi od poklona (3-e)	0,00	
7.	Prihodi iz budžeta (3-f)	0,00	
8.	Prihodi od propagande (3-g)	0,00	
9.	Ostali prihodi	0,00	
I	Ukupni prihodi (1-9)	0,00	
II	Kreditno zaduženje kod banaka	0,00	
	Izvori finansiranja (I+II)	0,00	

Prema podacima iz godišnjeg finansijskog izvještaja, stranka u izvještajnom periodu nije ostvarila rashode.

2. PREDSTAVLJANJE POLITIČKE STRANKE

Naziv političke stranke: Stranka pravde i povjerenja. Skraćeni naziv stranke: SPP.

Stranka pravde i povjerenja je registrovana kod Općinskog suda u Sarajevu, rješenjem broj: 065-0-F1-13-000002 od 10.07.2013. godine, sa sjedištem u Sarajevu, Obala Isa-Bega Isakovića 6.¹

Lica ovlaštena za zastupanje stranke su: Živko Budimir, predsjednik, Ragib Hadžić, zamjenik predsjednika i Mile Andrić, dopredsjednik.

Lice ovlašteno za podnošenje finansijskih izvještaja za 2015. godinu je Živko Budimir.

Prema podacima iz godišnjeg finansijskog izvještaja za 2015. godinu, Stranka pravde i povjerenja nema niže organizacione odbore.

3. OPIS REVIZIJE

Predmet revizije je godišnji finansijski izvještaj Stranke pravde i povjerenja za 2015. godinu.

¹ Stranka pravde i povjerenja je, dana 09.03.2016. godine, obavijestila Centralnu izbornu komisiju Bosne i Hercegovine o promjeni adrese za slanje pošte i obavijesti. Adresa za slanje pošte je u Mostaru, Bleiburških žrtava 31D.

Cilj revizije je da se na osnovu provedenih revizijskih procedura pribave revizijski dokazi, koji će revizoru omogućiti da izrazi mišljenje o tome da li je Stranka pravde i povjerenja u izvještajnom periodu postupala u skladu sa odredbama Zakona o finansiranju političkih stranaka.

Obim revizije finansijskih izvještaja Stranke pravde i povjerenja obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava. Obim revizije je bio ograničen, s obzirom da politička stranka revizorima nije omogućila uvid u kompletnu finansijsku dokumentaciju i poslovne knjige.

4. PRETHODNE KONTROLE I REVIZIJE

Nakon izvršene revizije godišnjeg finansijskog izvještaja 2014. godinu i postizbornog finansijskog izvještaja-Opšti izbori 2014. godine, Služba za reviziju je izdala Izvještaj o reviziji sa mišljenjem revizora, nalazima revizije i preporukama stranci da u skladu sa odredbama člana 4. stav (1) ovog Zakona sredstva troši u skladu sa programom utroška sredstava, da izdaje potvrde o prijemu priloga, da poslovne knjige vodi u skladu sa računovodstvenim propisima, odnosno da vodi potpune evidencije o prihodima i rashodima i da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka.

Nerealizovane preporuke:

Na osnovu uočenih nedostataka u godišnjem finansijskom izvještaju za 2015. godinu, utvrđeno je da Stranka pravde i povjerenja nije ispoštovala preporuke revizije.

5. NALAZI I PREPORUKE

5.1. NALAZI

a) Stranka pravde i povjerenja prekršila je odredbe člana 5. stav (4) Zakona o finansiranju političkih stranaka.²

Stranka pravde i povjerenja nije u godišnjem finansijskom izvještaju iskazala donacije fizičkog lica u ukupnom iznosu od 1.350,00 KM, čime je prekršila odredbe člana 5. stav (4) Zakona o finansiranju političkih stranaka.

Stranka, takođe, nije fizičkom licu koje je dalo priloge stranci u ukupnom iznosu od 1.350,00 KM izdala potvrdu u skladu sa odredbom člana 6. stav (1) Pravilnika o godišnjim finansijskim izvještajima političkih stranaka.

b) Stranka pravde i povjerenja prekršila je odredbe člana 11. i člana 12. Zakona o finansiranju političkih stranaka.

- (1) Revizijom godišnjeg finansijskog izvještaja je utvrđeno da Stranka pravde i povjerenja nije vodila poslovne knjige u skladu sa računovodstvenim propisima, čime je prekršila odredbe člana 11. i člana 12. stav (1) Zakona o finansiranju političkih stranaka.

Stranka je tokom obavljanja revizije dostavila Rekapitulaciju finansijskog izvještaja za 2015. godinu u kojoj je iskazan promet ostvaren putem transakcijskog računa sa prihodima i rashodima. Službi za reviziju nije dostavljen Završni račun za 2015. godinu.

- (2) Stranka pravde i povjerenja je godišnji finansijski izvještaj za 2015. godinu dostavila 23.03.2017. godine, tj. nakon zakonom propisanog roka i isti nije popunila u skladu sa

² Političke partije dužne su da vode evidenciju o prijemu članarina i dobrovoljnih priloga, te da izdaju potvrde o prijemu članarina i dobrovoljnih priloga. Ovlašćeno lice u političkoj partiji uplaćuje članarinu i dobrovoljne priloge neposredno na transakcijski račun političke partije najkasnije u roku od 10 dana od dana prijema uplate.

odredbama Pravilnika o godišnjim finansijskim izvještajima političkih stranaka, čime je prekršila odredbe člana 12. stav (3) Zakona o finansiranju političkih stranaka³.

- Uvidom u obrasce godišnjeg finansijskog izvještaja za 2015. godinu koji je Centralnoj izbornoj komisiji Bosne i Hercegovine dostavljen tokom obavljanja revizije, utvrđeno je da Stranka pravde i povjerenja nije iskazala podatke o prometu ostvarenom putem transakcijskog računa i blagajne, prihodima i rashodima stranke u 2015. godini, čime je prekršila odredbe čl. 11., 12, 13., 14., 21. i 22. Pravilnika o godišnjim finansijskim izvještajima političkih stranaka - u daljem tekstu: Pravilnik.

Kontrolom izvoda sa transakcijskog računa broj: 1610000108250071 kod Raiffeisen bank d.d., utvrđeno je da su u periodu od 01.01.-31.12.2015. godine stranci uplaćeni prilozi fizičkog lica u ukupnom iznosu od 1.350,00 KM i članarine u iznosu od 2.101,24, te da su isplaćena sredstva u ukupnom iznosu od 4.576,40 KM.

Početno stanje novca na transakcijskom računu iznosilo je 1.192,25 KM, dok je stranka na dan 31.12.2015. godine imala sredstva na računu u iznosu od 67,09 KM.

Služba za reviziju je, takođe, utvrdila da je stranka sa transakcijskog računa isplatila sredstva za potrebe blagajne u iznosu od 2.700,00 KM. Stranka u obrascu 2-1 (pregled stanja blagajne) godišnjeg finansijskog izvještaja nije iskazala promet ostvaren putem blagajne.

- Stranka pravde i povjerenja nije u obrascu 5 (obaveze političkih stranaka) iskazala obaveze na dan 31.12.2015. godine, čime je prekršila odredbe člana 23. Pravilnika.

Stranka je u godišnjem finansijskom izvještaju za 2014. godinu koji je dostavila Centralnoj izbornoj komisiji Bosne i Hercegovine iskazala obaveze na dan 31.12.2014. godine u iznosu od 48.263,61 KM. Služba za reviziju je izvršila uvid u izvode sa transakcijskog računa i utvrdila da stranka nije izvršila plaćanje obaveza iz 2014. godine, što ukazuje da ima obaveze na dan 31.12.2015. godine koje nije iskazala u godišnjem finansijskom izvještaju za 2015. godinu.

Takođe, prema podacima iz Izvještaja o reviziji godišnjeg finansijskog izvještaja za 2014. godinu i postizbornog finansijskog izvještaja – Opšti izbori 2014. godine, obaveze Stranke pravde i povjerenja prema dobavljaču „Direct media“ d.o.o. Sarajevo na dan 31.12.2014. godine iznosile su 71.367,06 KM. Uvidom u izvode sa transakcijskog računa stranke nije utvrđeno da je stranka u toku 2015. godine izmirila obaveze prema ovom pravnom licu, što upućuje da stranka ima obaveze prema dobavljaču „Direct media“ d.o.o. Sarajevo na dan 31.12.2015. godine u iznosu od 71.367,06 KM.

5.2. PREPORUKE

Preporučuje se Stranci pravde i povjerenja da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- ***da vodi evidencije o primljenim priložima i izdaje potvrde o primljenim priložima,***
- ***da poslovne knjige vodi u skladu sa računovodstvenim propisima, odnosno da vodi potpune evidencije o prihodima, rashodima i obavezama i***
- ***da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka.***

³ „Službeni glasnik BiH“ broj: 95/12.

KOMENTAR:

U ostavljenom roku, Stranka pravde i povjerenja nije se očitovala na Preliminarni izvještaj o reviziji godišnjeg finansijskog izvještaja za 2015. godinu.

Šef Odsjeka za revizijske poslove, revizor

Sanja Tošović

Pomoćnik revizora

Anela Burdžović-Kapić

Šef Službe za reviziju

Mr sc. Hasida Gušić